

雷波廳志卷之三

疆域志

戎索千里久隸版圖既通建越兼衛敘瀘百七十年
伊川兆亂蠢茲有苗侵軼為患誰為守者經界宜詳
扞我邊域奠我巖疆思彼古人斤斤寸土聚民聚財
允資鎮撫志疆域第三形勢附焉

雷波在敘府西南舊為夷地明萬曆十七年設甯戎

巡檢司

即今黃螂地

屬屏山縣

國朝雍正七年置雷波衛乾隆二十六年改為廳黃螂

雷波廳志

卷之三

疆域

一

地屬焉廣袤約六百里距省城一千五百里府城六
百里東行一百六十里至大崖洞交屏山縣界南行
十五里為金沙江渡江即雲南永善縣地沿江行三
百一十里上至狍子村下抵大崖洞皆與永善縣相
接以江中分西行十五里至烏角汛由此迤邐行七
十里至黑角汛皆為熟夷胡姓支所居黑角汛外即
生番地北行九十里至三稜岡右營築城於此再三
十里至馬頸子汛與右營犄角右營附近為熟夷丁
盧二姓所居此外即生番地東北行一百里至羅三

溪交屏山縣馬邊廳界外卽大院子生番地

舊志雷黃距省城一千五百里東西距三百一十里
南北距二百四十里東至敘州府城六百里東至屏
山縣四百里北至馬邊廳四百里南至昭通府屬永
善縣四百里西南至西昌縣洗馬溪一百二十里西
北俱凉山道路不通

舊志雷波廳土司向設千萬貫承管谷堆魚洪天喜
哈魯等寨東至馬邊土百戶普阿姑地方二百里南
至西昌縣轄安土司屬烈科地方二百五十里西至
雷波廳志

疆域

二

西昌縣安土司屬兩河口地方二百八十里北至馬
邊廳屬那姑地方三百里由普那姑至兩河口東西
相距二百里由烈科至那姑南北相距三百里計橫
五百里周圍約計一千五百里

舊志凉山生番地界西抵甯遠府西昌縣界西北抵
冕甯縣屬瀘姑冕山營小相嶺猓猓關等處界北抵
越嶲廳利濟海塘大樹堡界東至馬邊廳油榨坪界
南至金沙江抵永善縣界

形勢附

雷波衛

水繞山環形如飛鳳地險路折勢若蟠龍

舊志

黃螂所

左挾冕甯右跨六詔凉山阨險金江劃界

舊志

雷波廳

川則有金沙江之險山則有錦屏龍頭之高林箐則魚紅天喜之窈邃左衛敘馬右拱建南山路崎嶇江流陡急無冬無夏瞻瘴雨之迷離維喬維條多林木之蔭翳

舊志

雷波廳志

卷之三

疆域

三